

Headline	Bufet durian dapat sambutan		
MediaTitle	Sinar Harian		
Date	10 Aug 2019	Color	Full Color
Section	Nasional	Circulation	140,000
Page No	35	Readership	420,000
Language	Malay	ArticleSize	218 cm ²
Journalist	N/A	AdValue	RM 4,622
Frequency	Daily	PR Value	RM 13,865



Bufet durian dapat sambutan

ALOR GAJAH - Pesta makan durian di Pusat beli-belah Freeport A'Famosa Outlet (FAO) meriah dengan kehadiran peminat raja buah itu.

Pusat beli-belah yang berkonsep terbuka dan terkenal di Melaka itu menarik perhatian pengunjung apabila menawarkan pesta makan durian The Melaka Durian Street Fest dengan harga menarik.

Program yang dianjurkan FAO dengan kerjasama Lembaga Pemasaran Pertanian Persekutuan (FAMA) berlangsung selama tiga hari yang berakhir pada Ahad lalu.

Pengurus pemasarannya, Li Ann Lim berkata, bufet durian selama sejam setiap hari dengan bayaran RM49.90 bagi dewasa pemegang MyKad; tanpa MyKad RM69.90 dan RM25 untuk kanak-kanak antara 4

hingga 12 tahun.

Menurutnya, dalam tempoh itu pelbagai jenis durian boleh dinikmati.

"Antara durian yang disediakan ialah Musang King, D24, IOI, durian kampung selain durian popular dan besar dari Asahan, Jasin yang dinamakan 'Lima Jari'.

Li Ann berkata, bufet durian dibahagikan kepada enam sesi selama sejam bermula jam 11.30 pagi, 1 petang, 2.30 petang, 4 petang, 5.30 petang dan 6.30 petang.

"Program ini secara tidak langsung bukan sahaja dapat mempromosikan buah-buahan tempatan malah menggalakkan orang ramai berkunjung ke FAO. Mereka juga boleh membeli-belah sempena persiapan menyambut Hari Raya Aidiladha," katanya.



Exco Pertanian, Pembangunan Usahawan, Koperasi dan Industri Asas Tani, Norhizam Hassan Baktee (tiga dari kiri) memotong kek sebagai simbolik merasmikan program sambil diperhatikan Ketua Pegawai Eksekutif A'Famosa Resort, Datuk Julian Lau (kiri).